

Dèwà Sɛ Jûdè Kɔe

Mè hwæsi Jûdè

¹Mùn Jûdè nɛ kɔi byin dèwà ton sɛ, mùn ni ci-she Yesù Kristò, mùn bɛ tì ɲgyinni Jâ'. Mùn hwæsi byin, byin bɛ Ce Mvènnswæb yili, à yàen tì ku' lɛ byin bɛ ɓwum byon. À kèà byin ntwi' Yesù Kristò.

²Mvènnswæb ywɔ' kwènnzì nlim lè byin, à fɛ byin floa ke mɛ nlim nyin nun, à konndì byin ñlimmì cǐ wě tà she nun yili byin ñzwɔnzwɔ'.

Mè nlisà' mɛ ci-mɛ mɓwè'

(2 Pìêr 2.1-17)

³Mè ɲwè ɓyɛm, ñlim bɛ mùn ɗyi lɛ mùn kɔi byin dèwà sɛ, lè mùn sannzi byin ywum ke nywi mbyi nɛ Mvènnswæb swætâ ɓwi', ɓwi' lè byin mban. A konndì bɛ, mùn yenne lɛ à si mùn nywi dɔlè' lɛ mùn kɔi byin ɓã mùn swula' byin lɛ byin ɗwi twù' lè ɲkèà yin, byin ɗyi kimmi ke nzǎ' lɛ' yɛ byin kee mwù nun. Ñzǎ' lɛ' màzwùm, Mvènnswæb fɛ ɓwum byon yon fya' ɲgyinmɓɔ'. ⁴Mùn tà byin ywum màzwùm shě ntwi' byindo' lè ɓwum bye limmi kan Mvènnswæb, bɛ ɗuân ke ɲkwìn yin nun shìkì byin limmì. Bon màzwùm, bɛ ta lɛ' kwènnzì nlim Mvènnswæb kwebsi ɓã bɛ cinni kwèm, bɛ ken mbyì lè kwù kèn ɓyebbi shan. 'Bɛ ta tì ku' Yesù Kristò byinnɔa, nun nɛ ɗyi Nyeli nyɛ' mɓɔ' ti ku' mɓɔ' li. Son, bɛ kɔ' ke dèwã Mvènnswæb nun ñdikà' ɲwé lɛ Mvènnswæb yě ɓwum màzwùm vènè' yennzi.

⁵Kwo fɛ' she byin limmâ ñzǎ' lɛ' yɛ lwen si, mùn yili mùn ɓunnzì byin lè swum sɛ lannzi kwan sɛ Mvènnswæb swæte ɲkwìn ɓwum Izràêl, bɛ kwan ke ɲgyɔ' Èjìb nun. Ke nyě yɛ nun swæte bon, à wu ɓwum byan bye yili kan bɛ ke mwù ke nzǎ' lɛ' yon nun. ⁶Mbanmɓɔ' ku', mè cikpu' Mvènnswæb bye ɗɛb, bye yile kǎn bɛ ton lè ɲkimmo' yɛ Mvènnswæb fɛ bon, son, bɛ nzwonzi cǐ tòn shan, Mvènnswæb ɓænne bon, à kpimma' bon ke mɛ ndu' nun, à ɗwìd' bon ke cìcì ɲjimmi ɓã bon ton kwe, bon bonɲgà' ɲgyìn ndwun, ɲgyìn nɛ Mvènnswæb yě ɓwum mè kàè' lànzi nun. ⁷Ti lè mè nsòn nyě bɛ bɛ lon lɛ Sòdòm bon lè Gòmôr, lè tì ku' mè nsòn nyě bɛ ke mbeti, lan myi màzwùm cie ku' wě mè cikpu' Mvènnswæb

bi. 'Be ðunnzi bon ne' ke nzàmmi nun, ðe konndi tì ywum ðyibbɔa ye mwum cinni kan ñkimmɔ' nci cí. Li ne Mvènnswàb yennze bon vènè' ke win ye tà ka ðon nun, bã ye fe mbòkì lè kwo wen.

⁸Mbanmbɔ' ne ku' lè ðwum ðe ðun ke ñkwìn yin nun. 'Be ta ywum yenni ke me ndèmndem nun, li, ðe ta kwæ' nywi shan ðunnzi ke ðyebbi nun. 'Be ta ðyìnnɔ' le Mvènnswàb bã Nyeli nyan, ðe konndi tì mè cikpu' ðyon ðye cinni ñtwu ke ðeb simmɔa. ⁹Kwo fe' Mìshêl, ci-zwi' mè cikpu' Mvènnswàb nun ne', kwan se ðe be le' klwí bon lè Satàn ke ntwi' ðwon Mòizè, Mìshêl ni lwum kan ñwum fon, à shè Satàn ñzàè' le' nsèm ndɔ'. Son, à lele le: «Mvènnswàb nyenndi wù.» ¹⁰Ti lè ðwum bi ton bi, ðe ta ñzàè' le' ðyibbɔa shè ke nywi ywum ye bon limmi kan. 'Be ta ywum cìɔ' lè mwù ðin wè mè nyàem ke mbo nun. Ke nci ye li, ðe ta kyitàè' Mvènnswàb lon ke nywi yan ne'. ¹¹Mùn nyàemmá bon, ntwi' se ðe ðwon mè kwù Kain. 'Be ta ðyebbi cí bã ðe ye lòn wè tà she Bálám cikàkì. Li, ðe ye ywi ntwi' se ðe wale lè Mvènnswàb wè tà she Kòrè cikàkì. ¹²Kwan se ðyin ta ji ji lè bon mban, à si swum kwènnjin ke ci shin. 'Be ta ji ji, ðe nwi, shikì ðe yi ku' swum ndɔ'. 'Be ta su' bon ne' nyàemmi.

À bi wè ðeb mvu se mpùn ta twɔti, se loá lwen, son, mvu nwi kan. 'Be ðe ti ku' wè ñjì ngæ' nyè tà ka gwùm sean, kwo fe' kwan nsan yi gwùm woli. À bi tì wè mè ngæ' ðye ðe muá, ðe ywiá ñgyinmbɔ'. ¹³'Be ðe tì wè mlá' ye ta pònnà' kimmi, ye mwum ndɔ' woli kan kim à yikì. Mè ðyebbi nyan tá hwi' wè mè flu'. 'Be konndi ðe wè mè nywæ' ðye ta nzanni nùn. Mvènnswàb fōse bon cí tòn ke njimmi nun nyè nlo le fyii, cici se bon ye tòn kwe ñgyinmbɔ'.

¹⁴Yinɔ', mwum ne ðe yee ñdikà' ñwé, à ðe ñdwiti ndwiti Adàm, à lele ke nywi ðwum bi ton bi, à shè le: «Ceèni fe', Nyeli nye' tá kìn lè mè cikpu' ðyon ðye mwum woli kan kim à tan. ¹⁵À yè mè kàè' linni ke nywi ðwum ðe ñgyɔ' wan nun hwæn. À yè vènè' yennzi lè mè ci-ncí ðyebbi ke ntwi' mè le' mbyibbɔa ne bon ðe cì, kònnði lè ñzàè' le' ðyibbɔa ye bon ta leli ke nywi yon.» ¹⁶'Wum bi ton bi ta fyonnga' kwan hwæn, lè ðe ta ðwùlu wèsi. 'Be ta ywum ye ta wa' me nlim nyan nun cí, ðe ðe tì mè ci-ntwuli mwù. 'Be ta ðwum mbèti bã ðe se bon ke nywi.

Ndeb ye Júdè ðe leb lè ðwum Yesù

¹⁷Ti lè ðyin, mè ñwè ðyém, bònngèani ñzàè' le' ye mè ci-ntwum Nyeli nye' Yesù Kristò shekà' ðyin mbyí. ¹⁸'Be ðe ðyin shè le: «Ke mmlòkà' ñgyɔ' wan nun, mè ci-ngɔla' ye kwan, ðe ye ywum hwæn cí wè tà she bon yili.» ¹⁹'Wum màzwùm, bon ðe ta ñkyiila' ké ke nyinnim ðwum nun, ðe cinni mè mbàkà' nyè cè ñgyɔ' wan, son, ðe cinni kan Mpùn Mvènnswàb ke nywi. ²⁰Ti lè ðyin, mè ñwè ðyém, kpæmmèni me' lè m̀kpa' ðwulu ke nyinnim shin nun, bã ðyin ðyi kimmi ke nzàè' le' ye wae cè Mvènnswàb, ye ðyin kee mwù lè yon. Kelèni Mvènnswàb ke ñkimmɔ' Mpùn Nsanmi

nun. ²¹Byin ton kwan hwæn ke nyili ye Mvènnswæb tà byin yili nun. 'Byin bonḡgà' kwan se Nyeli nye' Yesù Kristò yě bwi' kwènnzì nlim shon lisea, à kènnzì bwi' ke nzison ðwùmðwùm nun.

²²Kwènnzèni ñlim lè bwum ðe ta ḡgyi kwùmmi. ²³Byin swæti bwùlu ke mpàè' ye byin ye fon pàli ke mbyi win nun. 'Byindo' bi kwe bye byin ye fon nyàmmi, son, konnèni lè fon. Ywum ye fon cinni hwæn, kwo fe' mè plè byan bye byebbi nyan shèà nlim, kyìlèni làbbi lè yon.

Ñzæ' le' ntwuli Mvènnswæb

²⁴Bwi' feèni ñtwu lè Mvènnswæb ne wòli kim à bòn byin, lè byin làkì mbyi nyon bwu. À yě byin kwannzi ke swi' shon sanmi, byin ðyi lè ñdàli ke ntwu yon nun. ²⁵Bwi' feèni nun ñtwu, nun ne ðyi Mvènnswæb nye' nun kyishon, à ðe tì Ci-nswæti nye' ke nyě Nyeli nye' Yesù Kristò. Ñtwu, ḡkimmà', lè ñsa' lwun ðe lè nun, ñdikà' ke ndunmi, a kùin bèn jene, a suku' kèn li kwan hwæn. **Àmèn.**